

李文恭公遺集

李文恭公詩集卷七目錄

湘陰李星沅石梧著

男概榛
梳編次

五言絕句
七言絕句

聞雁

畱別周石帆二首

舟行遇雨

書旅店壁

詠齋前石

二首

夔城晚眺

二首

與內子笙愉分詠歲除雜事適得相煖熱照虛耗

二題戲成小詩

團扇曲題鄧容容少尹友蘭女史小像

六首

枕上

瀕行遇王瑜奕卻贈

二首

寓意

四首

代人寄蓮子 二首

清浦寄笙愉 四首

題龍池攬勝圖 二首

題夢游衡嶽圖 二首

七言絕句

游仙詩 五首

鳳仙花

題牧石圖

送吳瓊仙之粵東 二首

題禪隱小照 二首

七夕詞 二首

水仙花二絕句寄示丙子笙愉

感舊 四首

過王褒墓

薛濤井 二首

述夢 二首

渝城中秋 二首

巴女詞 四首

秋夜寄笙愉 二首

夔江道中 八首

舟過城陵磯 二首

雪中柬楊芝樵 四首

對月

卽席贈歌者綵雲 二首

綵雲曲 四首

綵雲以扇乞詩戲題 二首

藕花池晚眺

讀史偶感 四首

冬夜口占 二首

花朝詞偕笙愉作 四首

酬笙愉見贈原韻 二首

問笙愉病 四首

魏小野明府秋蓬小草題詞 四首

夜坐寄笙愉 二首

題畫中美人 四首

題某小照

題畫 二首

得羅芝麓和章戲柬

芝麓覽予詩意頗不服漱六夫人亦喃喃有辨詞

也更作四首解嘲

將之辰陽畱別笙榆

四首

桃源舟次

辰河雜詩

十首

夢醒書感

二首

題美人蕉窗聽雨障子

七夕

三首

歲壬午譚醒漁權邵州參軍事民咸德之甫卸篆

假歸天門有訛言舟覆者郡人士大招設奠垂

涕相告未幾醒漁南來廉其事得輓詩一帙遂
約同人更作生輓詩以付梓 八首

書淮陰傳首

蔡黃樓病中補作辰山雜詠詩索和漫書四絕代

東

湘陰道中 三首

嘉魚舟次不寐 二首

黃州夜泊同賀虎師勞辛陔作

小孤山戲作 四首

九江口號 四首

望皖公山

蕪湖

楓橋懷賀虎師 二首

瓜洲

揚州 五首

荏平道中 二首

示輿夫 二首

盧生祠題壁 四首

磁州

嘉魚懷辛咳卽用楓橋寄虎師韻 二首

雪兒度曲圖爲路大華甫題 二首

贈梅曲寄問鷗 四首

江上寄笙愉 二首

湖西打魚曲 四首

柳枝詞 二首

餉塾詞代笙悵作 六首

題王孟巖齋壁 二首

答芝畹 三首

芝畹秋夜聞笛得四絕句索和 四首

柳枝詞和孟巖 四首

嘉魚聽雨贈左青士 二首

彤關阻風 二首

黃葆儀女士茶香閣遺稿題詞 五首

題黃秋士廣文詩集 二首

別笙憺 二首

好舫祠

乙未六月十四日作

郭林宗祠

洪洞見荷花 二首

遇風雨不得宿戲柬笙憺 二首

桃花溪懷李義山 二首

羅敷谷 二首

馬嵬驛弔楊妃墓 四首

七夕寄笙愔 二首

曉過瀟橋 二首

柬賀虎師沔縣 四首

畫眉關

上亭驛遇雨

梓潼道中見刈稻者感賦卽寄兩弟二首

夜渡綿水

李文恭公詩集卷七

五言絕句

七言絕句

聞雁

一雁下高秋
秋心萬里愁
蘆花飛不起
寒露滿汀洲

畱別周石帆

纔悔見君遲
又欲離君去
木葉晚蕭蕭
指點行人路
不唱折楊柳
休嗟遠別離
春江紅豆子
好爲寄相思

舟行遇雨

林端暝色昏隄畔人聲寂夜雨灑寒江孤篷時滴瀝

書旅店壁

夜靜人未眠青燈耿四壁落葉打窗聲錯聽疏雨滴

咏齋前石

花雨暮天飛冷然下空碧講經聲不聞頑石低頭泣
風骨此嶽奇徒作山岩色黃金一點慳不得仙人力

夔城晚眺

夔城立高頂秀削生清景西山春未深夕陽明雪影
打槳聲初歇江流碎光白篷窓千點燈茫茫浸寒月

與丙子笙倫分詠歲除雜事適得相煖熱照虛耗

二題戲成小詩

炎炎炙手成燃薪各當戶煖熱不因人獨有梁鴻釜
虛耗冥冥者能容宿火除光明心地燭不照復何如

團扇曲題鄧容容少尹友蘭女史小像

一覺樊川夢風情憶往年崔徽圖畫在畱對月團圓

詞素頻珍重天涯握手同願君懷袖著莫遣歎秋風
撲蝶曾春院春花逐絮飛爲緘臨別淚不忍換羅衣
相見知何日相思獨倚闌近來憔悴態障面避郎看
郎如蕉葉解妾似蕉心灰蕉葉恐難合蕉心永不開
宛轉歌團扇歌成感夙因合歡緣未了請自喚真真

枕上

晨曦窗未明清磬度山翠屋角鳥聲喧傳出秋晴意

瀕行晤王瑜奕却贈

君向湘江來我向湘江去相會在須臾相思各歧路
往歲走渝關萍逢慰別顏蓬窓今夜雨剪燭憶巴山

寓意

刺繡稱神易調羹作婦難便諳姑食性不得小姑歡
月上穿珠箔風低倚玉梭含情怨鸚鵡何事巧言多
淡掃慵開鏡蛾眉不入時牡丹花樣好一半是胭脂
香篆將銷字花燃欲燼燈羅巾緘袖角紅淚不成冰

代人寄蓮子

荷葉碧田田
荷珠清露圓
鴛鴦不成夢
空唱想夫憐
常恨郎意淺
不如儂意深
連心苦郎口
蓮子苦儂心

清浦寄笙掄

一別五千里
郵程爾許長
多情江上月
夜夜照還鄉
我夢湘水南
君夢淮水北
水遠天復寒
牽衣問眠食
客路腰圍減
緇塵撲袖飛
忍將新換舊
紅淚在征衣
朝辭淮浦船
暮入蒙陰道
莫上翠樓望
楊柳春歸早

題龍池攬勝圖

方池鑿岩石此豈游龍處春霆時一鳴之而欲飛去
松竹自仙意煙雲稀俗緣何當陽羨游學種東坡田

題夢游衡嶽圖

拔地九千仞撐天七十二峯卧游臨絕頂莫打上方鐘
初日照芙蓉扁舟度煙渚九面轉湘帆嶽雲各共語

七言絕句

游仙詩

曾折芙蓉朝玉京步虛壇上奏新聲陡然喚醒游仙夢

聽水聽風記不清

十二飛樓倚碧虛
蓬萊消息近何如
神仙也愛鍾王字
索我櫻桃扇上書

昔年妙製紫羅囊
蕊殿無人繫佩璫
今日重看針線迹
慙慙多謝玉卮娘

阿環不贈返魂香
海畔三山路渺茫
生把盧家堂隔斷
不關銀漢是紅牆

桂花搖影近姮娥
十丈情塵水不波
要刻沈香熏小像

蕭齋長日伴維摩

鳳仙花

飄飄金鳳舞嬋娟一捻胭脂劇可憐
昨夜看他彈玉指落花流水又今年

題牧石圖

一圍泉石舊生涯何處空山有落霞
滿地白雲鞭不起我來携手問京華

送吳瓊仙之粵東

越王臺上賦行行
匹馬藍關雪影橫
我有相思千里夢
隨君直度五羊城

春風先與算歸程
雨泊風飄雁陣分
倘拜紅亭三尺墓
爲書花葉寄朝雲

題禪隱小照

一座天花萬劫開
蒲團影裏現西來
從今覓得青蓮種
自向靈山著意栽

我亦龍華席上人
廿年小謫到紅塵
披圖忽拜瞿曇像

金粟如來有舊因

七夕詞

銀河隱隱斷雲環一霎西風度碧灣
吹散女牛多少恨不教清淚落人間

湘簾捲地夢忪惺瞥見流螢撲畫屏
好是荳花棚子下有人私語拜雙星

水仙花二絕句寄示丙子笙愉

時方歸甯湘潭

別思盈盈湘水濱花枝也帶素蛾顰
多情一樣凌波礫

好爲通辭到洛神

仙裾應被白雲留
解珮瑤京有夢不
昨夜拏帷香到枕
替誰簪上玉搔頭

感舊

閒愁振觸五年前
熨帖心情今宛然
何處相思不相見
秋風淒斷七條絃

苦憶拏帷笑語溫
美人細意忍重論
費他月夜摻摻手
金線雙鉤出字痕

詩牌題上薜蘿襟新樣描摹繡閣深藕是同根蓮並蒂
刺花畱得幾分心

想煞雲英一面難爲渠惆悵倚闌干他生倘遂今生願
便作金釵鈿合看

過王褒墓

陳寶鳴雞事寂寥千秋荒草墓門凋漢宮傳得紅牙譜
江渚月明聞洞簫

薛濤井

筍輿扶徧錦城霞門外枇杷不見花孤負掃眉才子筆
春風何處問兒家

粉痕畱影照娥眉却展巴箋話舊時井水一均香不散
曾經纖手濯胭脂

述夢

巫山巫峽會雙娥珠淚垂垂臉欲波應有離情拋未得
夢時不及醒時多

雕梁乳燕話呢喃爲著泥污不肯銜數朶梨花春一色

麝香初試白羅衫

渝城中秋

去年西風矮屋寒今年渝水客衣單
兩度中秋好明月何曾花底並肩看

千疊雲山一倚樓桂枝淒切故鄉秋
可堪嫁得浮雲壻不唱嫦娥怨也愁

巴女詞

巴江二水浪悠悠巴江八月載郎游
聞道下灘船有信

算郎今夜泊涪州

送郎南下幾時回
千里夔門寄夢來
爲報石城風雨夕
鷓鴣啼煞鷓鴣堆

一奩粉水盪鴛鴦
郎去何曾對鏡光
三百六旬雲不散
悔儂家住望江廂

可惜巴江唱柳枝
可憐離別怨巴姬
相思岩上相思竹
又學桃釵鬥畫眉

秋夜寄笙憐

秋閨刀尺動鄉情舊事經年記憶清涼月半牀扶病起
藥鱸煙裏苦吟聲

怊悵名香入夜添薄寒翠袖怯纖纖憐卿恐比黃花瘦
珍重西風莫捲簾

夔江道中

白帝城高俯石頭漢朝遺恨在荊州君看三峽堂前水
猶向江陵嗚咽流

三峽堂

前度蓉城訪隱淪浣花結宅布衣貧如何灑水干戈裏

尙有蔬園贈故人

東屯

高唐祠廟倚斜曛環珮迢迢靜夜聞行到巫山峯十二

題詩先爲寄朝雲

高唐廟

南國風騷續薜香故居搖落幾斜陽酒樓一角青山影

不見東家舊女牆

宋玉宅

蕭寺紅牆一水遙微聞哀怨寫離騷靈均不似靈胥怒

肯作錢塘白馬潮

屈沱

詞客淹留已暮年劫灰兵散五溪烟青袍白馬家何處

日暮江南聽杜鵑

庾信寄廬

萬里和戎不可論
家園回首隔荆門
琵琶馬上關山月

夢到香溪第幾村

昭君村

沙樹銜烟淡欲無
一江新水長菰蒲
黃陵灘上黃陵廟

春雨淒淒叫鷓鴣

黃陵廟

舟過城陵磯

近城七里好山開
茆屋參差水竹隈
隄上柳絲隄外雨

隨風吹綠過江來

苔痕新長釣魚磯
漁父攜竿話翠微
約伴醺錢沽酒去
鷓鴣一隊傍船飛

雪中柬楊芝樵

商陸沈沈斗室溫
更無剝啄到柴門
紙窗一片明如鏡
照見茆檐積雪痕

定王臺上暮烟淒
幾隊寒鴉瑟縮啼
懶跨驢鞍問春訊
寄將詩思灞橋西

簾前郭索聽爬沙
簾內旗槍索鬥茶
絕勝黨家好風味

玉人同夢探梅花

紙帳銅瓶小鏡臺
歲除難得好懷開
消寒鎮日熏香坐
只少鄰家送酒來

對月

小樓風送玉參差
花影隨人立少時
忽觸鄉心到天上
一痕新月似蛾眉

卽席贈歌者綵雲

檀槽一曲動梁塵
幻出輕盈掌上身
家在武陵源裏住

桃花老去尙羞人

忽化莊姝忽省娘清尊曾不隔紅牆却憐酒力難勝處
爲贈瑤卮一滴香

綵雲曲

流雲聲入管絃聞宮樣羅衣雪色裙故倚新妝學蓮步
綵雲或恐是朝雲

分明雜佩響闌珊紅袖當筵子細看食案如山酒如海
綵雲一散不成歡

嬌疑少女豔疑仙學舞娉婷態可憐
安得琴齋三五夕綵雲長與月團圓

梅花紙帳寄相思愁聽揚州杜牧詞
著意尋春春欲暮綵雲已是下山時

綵雲以扇乞詩戲題

酒半清狂不自持纖纖楊柳鬥腰肢
秋來顚顚猶如此想見東風二月時

最好銀燈綺席前蕭娘風致尙嫣然
折枝獨對花長歎

恨我遲生已十年

藕花池晚眺

楊柳陰陰半壁垂
闌干倒影入清池
游魚潑刺跳波響
只少樵青捧釣絲

讀史偶感

峩峩三尺假儒冠
歛手低眉拜上官
却背詩書談律例
千秋左道是申韓

入關五載滅強秦
約法如聞太息陳
畢竟蕭何刀筆吏

九章肇豐舞文人

誰磨金鏡燭奸回鍛鍊居然狡獪才公是公非生屈煞
溫公名在黨人碑

浪傳捫虱小功名睥睨經生一羽輕直與宣尼成敵國
攻心我欲借奇兵

冬夜口占

去年紙帳峭寒生銀鴨添香篆影橫重剔蘭煤繙韻譜
雪窓吟出是雙聲

今夕音塵兩地違
謝庭詠絮共依依
相思一樹梅花發
算到卿歸我亦歸

花朝詞偕笙愉作

數圍蜂蝶撲香塵
結綺樓前錦幌新
笑倩閨人拋繡起
重簪花朵拜花神

攜尊剛好月圓時
如許繁華定屬誰
乞得漢宮長命縷
替他綰上合歡枝

檐烏輕戛玉玲瓏
三昧筵開小閣中
憑仗阿姨爲妝束

者番顏色要東風

我亦名園不速賓年年客館負芳辰今年故里春如海
願與羣花作主人

酬笙愉見贈原韻

皋廡三間借曲房春風強飯日初長碧芹紫筍尋常饌
我愛齊眉對孟光

日上花陰宿曉雲六街車馬不曾聞經生學問才人筆
門內周旋只有君

問笙愉病

黃昏庭院上燈初
咫尺關心問起居
贏得茂陵今夕病
多才悔作女相如

吳棉半脫柳絲飄
花信沈沈度綺寮
雨意乍寒晴意暖
最難調護是春宵

宿火殘鐘入夢遲
閨房眠食可相宜
更無人解苓連苦
夜半嬌兒索乳時

東陽消瘦不勝情
我已當歸識舊盟
手蕪沈檀參繡佛

藥鑪經卷其長生

魏小野明府秋蓬小草題辭

津門片席挂秋風
六代繁華指顧中
顛倒蓬窓一枝筆
忽然兒女忽英雄

金碧樓臺夕照鋪
淮揚千里接蕪湖
當時倘就驢車宿
如此江山識面無

琵琶聲送九江船
騎鶴人爭說漢川
又上白雲吹玉笛
雙鳬飛過羽衣仙

扁舟我昔下三巴
悔不鷗盟訂水涯
一局詩牌兩尊酒
月明打槳住蘆花

夜坐寄笙榭

橫安斗室小如舟
燈影書聲坐兩頭
一樣西窗聽雨夜
對卿歡笑別卿愁

兒解牽衣女學梳
繡牀撩亂二更初
烏雲半側金釵溜
藥裏薰籠自掃除

題畫中美人

蓬門舊是鬻薪兒，賺入吳宮門。
畫眉倘向浣紗溪上老，
捧心未必勝東施。

君寵君憐只此身，水光一帶苧蘿春。
椒華忽現飛鸞影，
肯憶同時采葛人。
兩施

月殿霓裳入聽無，長門秋鎖暮烟蕪。
紅綃淚斷昭陽夢，
忍見三郎一斛珠。

螺黛香凝冷翠鈿，殘妝倚檻倩誰憐。
楊花婉婉梅花瘦，
一樣春風有後先。
梅妃

題某小照

伏櫪雄心未刻除壯游
不待解鞍餘丹青幻出將軍影
三尺純鈎一卷書

題畫

凌波羅襪玉生塵
小艇飛來別浦春
知是桃根是桃葉
渡頭迎接恐無人

肯持慧劍斬情絲
妾意纏綿郎未知
淒絕夕陽江上影
離魂空唱小青詩

得羅芝麓和章戲柬

桃李無言亦自春
驀驚咳唾落珠塵
璇璣舊識迴文字
才悟君詩有替人

天開花月門心裁
我輩平分斗石才
重上騷壇樹旗鼓
莫教飛將捲簾來

規倣唐賢拾舊聞
何當親炙許三薰
妝臺請下樊英拜
從此先生屬細君

瑣瑣親聯女弟兄
小姨威比大姨輕
酒酣不敢談琴操

言集卷之八
一
悲惹河東獅吼聲

芝麓覽予詩意頗不服激六夫人亦喃喃有辨
詞也更作四首解嘲

杖聲幾欲惱坡翁文字波生一笑中誤上龍邱居士號
阿姨不算柳河東

雪絮翩翩道韞才辨香那復忌河魁猶防私下三公跽
故作橫空硬語來

詞塲徵曲豔紅牙難得笙歌擁絳紗饒舌倘無張僕射

春風閒煞隔簾花

嫵婉情深靜好宜
巴箋未寫詠愁詩
驚心我欲三同避
執筆閒奩學畫眉

將之辰陽畱別笙愉

莫道辰陽千里行
臨岐指點慰離情
當年匹馬游西蜀
此是青天第一程

月斜書幌對慇懃
顧影俄成出岫雲
半載團圓半離別
美人恩怨要平分

炎池烈日鑠金融
差喜郎懷少熱中
晚泊買魚朝買酒
布帆飽挂一江風

截嶮重關倚石開
山城消息雁飛來
歸期預訂梅花放
傳語春光著意催

笙倫贈別詩有彈指梅花
開瓊閣復相聚之句故云

桃源舟次

漳江閣上雨初斜
咫尺仙源尙憶家
爲惜玉人臨別語
不隨劉阮問桃花

辰河雜詩

南河水漲北河流昨夜潮平抵岸頭
酒價漸低鱸價長
販鮮幾處泊漁舟

竹支破網曬當門草帽團團坐石根
對說今年秋穫近
菜花香過曲家村

襴衫柏布擁蠻娃背負筐籠拾橡芽
山雨欲來雲似墨
向人堆作髻邊鴉

晚風渡水掉烏撻牧笛橫吹返照邊
差勝官家坐官舫
蕭奴鄭婢一牀眠

土磽漸少薄田耕萬樹松杉繞徑生
席地商量種山法
不知熱海有人行

緯絲倒挽逆風船
偃僂參差磴道連
索值平量三盃米
可憐難煞送灘錢

崙蠻逐隊影婆娑
銀箭奔流沂大波
赤脚爬沙無縛袴
負舟抵掌唱苗歌

峭壁嵌空未有津
猿猱欲度尙逡巡
不教鍊鎖橫江岸
愁絕懸厓撒手人

荒唐神鬼到今疑
五代興亡若箇知
誤說馬王多少事
賽神齊向伏波祠

中央轉舵石磯橫
隱挾雷霆護此行
午睡攤書不成夢
船窗高枕聽江聲

夢醒書感

風碾情塵又一年
桃花開落墓門前
夢中不識人天別
猶訴紅絲未了緣

思卿千里爲卿來
臨別叮嚀紫鳳釵
羅襪纖纖蓮步怯

月明和露立蒼苔

題美人蕉窻聽雨墮手

簾外芭蕉簾內人
晚妝斜倚不勝情
其誰消遣西窻雨
蠟淚闌干欲二更

七夕

牽牛花畔倚闌干
冷露無聲鵲駕寒
說與黃姑應竊笑
五年三度客中看

良宵如許奈何天
肯理殘妝對鏡奩
怕見銀河獨惆悵

月斜不上水晶簾

更闌蟋蟀動長吟
振觸思鄉千里心
最憶左家嬌女小
畫闌今夜學穿針

歲壬午譚醒漁權邵州參軍事民咸德之甫邵
篆假歸天門有訛言舟覆者郡人士大招設
奠垂涕相告未幾醒漁南來廉其事得輓詩
一帙遂約同人更作生輓詩以付梓

混沌重開未有奇
昭陵鬼哭夜深時
憑空杜撰羊公誄

秋雨秋風墮淚碑

石相祠堂一笑過
殯宮花冷奈愁何
爭如畫舫推篷坐
生受齊民薤露歌

雲烟瞥眼尙依稀
笠屐風流踏落暉
莫倚杖頭錢買酒
棠梨樹上紙灰飛

泥雪難忘去住因
浮漚安見假非真
茫茫宦海渾無著
此是紅羊劫後人

少年挾策誤文章
朋輩揶揄閱幾場
好向闍羅問關節

長官今識轉輪王

千古彭殤一例哀
白楊蕭瑟伴蒿萊
如君配作神仙尉
舊署芙蓉城主來

粉脂脂零委銅車
巫山夢醒綵雲孤
夜臺倘訂他生約
曾道檀郎薄倖無

子虛何處弔荒墳
一瓣心香手自薰
不祝君生祝君死
玉樓替我應修文

書淮陰傳首

漁竿一擲定三秦
大澤龍蛇有屈伸
不獨千金酬漂母
市中惡少亦恩人

蔡黃樓病中補作辰山雜詠詩索和漫書四絕

代東

絕域陰霾一喝開
鑿山又見五丁來
不愁驚破蠻兒膽
十指齊伸殷地雷

天要君才受墨磨
堂堂歲月等閒過
峭寒睡起維摩榻
花落無聲風雨多

鏡臺著箇聽詩人細畫烏絲翠袖勻藥裹爐烟淡相對
願君扶病過殘春

家在湘雲嶽雨餘辰陽我獨悵離居白波雙鯉殷勤認
不見佳人錦字書

湘陰道中

葦叢如櫛樹如簪隄遠沙平水自深三十六灣行不斷
雁聲多處是湘陰

夕陽濃抹遠山青雪點蘆花入洞庭漁弟漁兄聚船泊

數彎蝦市晚風腥

綠蕪四合野雲平
薄暮猶聞打槳行
月黑好尋湖畔路
白魚岐上塔燈明

嘉魚舟次不寐

溼雲無岸柝聲遙
一穗紅燈照寂寥
茶渴酒醒人不寐
嘉魚江上雨瀟瀟

湖水中分南北天
計程應放九江船
那知風霰孤篷夜
猶望明朝泊漢川

黃州夜泊同賀虎師勞辛陔作

碧衫斜抱一江流
石瘦天寒訪舊游
鶴夢不來山月小
數聲清角吹黃州

野店魚肥家釀開
坡翁有婦亦詩才
雪堂今夕人三影
何處能謀斗酒來

小孤山戲作

山廟塑神女像其上有梳妝臺高峙江心距彭郎磯數里

貌姑射舊住逢萊
又見仙山生面開
曉髻未梳慵展鏡
一奩紅日護妝臺

湓浦蒼茫望遠天大孤橫隔九江烟那能移向鄱陽住
明月雙彈帝子絃

十姨祠廟指襄陽一樣脩蛾淺淡妝多事石城磯下水
問卿何日嫁彭郎

煙螺峭蒨數芙蓉水佩風裳宛再逢曾坐巴船度巫峽
六年回首美人峰

九江口號

一曲琵琶白傅詞蝦蟆陵下訪相思炊煙著面泥纏腳

商婦從無年少時

伐鼓攬金朝放船
淡烟如水水如天
曉風腥過鱗魚嘴
知有渡江人賣鮮

老鴉磯頭波浪平
老鴉磯尾驗船行
九江東下四十里
猶聽守關關吏聲

彭澤城荒野渡孤
斷雲殘雪一僧呼
榜人才進胭脂港
預辦香錢祀小姑

望皖公山

風帆沙鳥淡如烟
水抱孤城塔影圓
一片夕陽紅不定
皖公山落酒杯前

蕪湖

玻璃千頃浴飛鳧
裊縹緲參差綠
有無幾樹垂楊春喚起
東風明日過蕪湖

楓橋懷賀虎師

江船清冷別魂銷
江水春生晚上潮
何處鐘聲催月落
寒山夜火出楓橋

雪意初消天尙雲橫塘新曲幾曾聞孤篷一夜瀟瀟雨
不憶吳娘只憶君

瓜州

白葦簷垂紫竹籬釣舂移近鴨頭陂昨宵瓜步新潮長
才進漁邨見酒旗

揚州

煙波十里木蘭橈金碧樓臺倚絳霄九曲闌干三面水
夕陽一半在紅橋

暮雲重疊繞蕪城水調淒涼一曲橫多少閒愁吹不散
竹西門巷玉簫聲

踏青初著半弓苔螺黛如雲隔岸猜人影衣香官渡晚
繡裙紅過畫船來

雷塘東畔幾人家銀蠟宵然隔茜紗愛趁春風捲簾坐
二分明月玉鉤斜

挑菜人歸拾翠鈿繁華流水記當年如何一樣長沙柳
綠到揚州便可憐

在平道中

絃索聲遲小院西
鉛黃粉白黛鬟低
桃花雨後春無主
半著胭脂半著泥

釵光袂影太匆匆
阿堵神傳一笑中
却下湘簾懶回顧
曲闌閒煞月屏風

示輿夫

漫夸風入四蹄輕
赭汗交流慘不平
勸汝莫施箠楚虐
可憐轆馬亦殘生

前驅悔令辱泥塗強用鞭笞計已疎須識牧民如牧馬
覺迷先認指南車

盧生祠題壁

塵海游心悟太虛功名牽率竟何如驟車四月邯鄲驛
才到盧生入夢初

忽披金紫忽華冠過眼雲烟總一般莫問黃粱炊熟米
夢時原作醒時看

試覓蘭緣與絮因情癡安見假非真題詩欲借神仙枕

繡佛長齋供美人

我笑先生比我忙
逢人却贈指迷方
閒庭小坐淡無睡
荷葉如錢自在香

磁州

刺菱花遠碧波香
高柳如人揖兩行
麥隴青青秧水綠
磁州風景似家鄉

嘉魚懷辛陔卽用楓橋寄虎師韻

水驛更深蠟炷銷
衝寒曾認酒邊潮
不知篷外風吹雪

凍折嘉魚舊板橋

春明揮手隔燕雲清角何堪此地聞
一夜孤舟楚江雨
思家夢醒又思君

雪兒度曲圖爲路大華甫題

曾聽霓裳到蕊珠風塵猶自感轅駒
於今試按紅牙拍
爲問蠻雲識曲無

與君把酒奈愁何秋夜迢迢一醉過
明日旗亭同畫壁
新詞分付小鬟歌

贈梅曲寄問鷗

瓜皮艇子小春開
載得臞仙其舉杯
分付東風催雨
漿桃根桃葉渡江來

前年古驛花如海
朱老巡檐索笑迎
今日烏篷烟水裏
雪香飛不到梅城

酒錢拚作買花貲
一樣紅兒鬥豔遲
紙帳銅瓶春不覺
替他調護未開時

知君雅抱文園渴
遠問牽蘿補屋人
我贈此花如贈婢

妝臺恐有望梅噴

江上寄筌愉

江風安穩送歸船
盼到長沙月上弦
好共玉梅香裏坐
一簾清影照齊肩

又畫消寒第幾圖
歲殘拋却繡工夫
摘紅新切瓜仁細
爲問屠蘇酒熟無

湖西打魚曲

筍葉蓬兒鞵樣船
湖心一道雨廉纖
青綾與儂攬簪髻

白水與儂揩鏡奩

草淺湖平灣復灣有時清影照丫鬟
鷗鷺似解漁娃意長日叉魚不肯閒

打魚歸去重梳髮補網閒時坐數錢
我羨漁郎有奇福雙飛雙宿白鷗天

家在湘陰水竹居十年鄉夢繞菰蒲
那能覓得樵青侶自署烟波一釣徒

柳枝詞

絲莢如畫點春痕往日靈和有舊恩生怕路人攀折盡
更無青眼到王孫

長板橋西一水橫低垂婉婉不勝情爲渠私向東風祝
多少鶯梭織未成

餉塾詞代笙愉作

畫長花驪寂無聊珍重加餐話昨宵繡線頻添衣帶減
春風瘦到沈郎腰

鶴糧如許較些些鮭韭猶堪學庾家人自餉田饌餉塾

一般耕讀作生涯

豆芽嫩比江瑤柱
筍角鮮於海月肪
畢竟家風甘淡泊
可人滋味菜根香

調停鹽豉問相宜
密字緘封小榼隨
九載自諳郎食性
箇中清脆似儂詩

羹湯洗手日承歡
將徹還來伴客餐
努力代傳慈母訓
當年佐讀有熊丸

幾家夫壻贗梁肉
富貴熏心忍厚顏
祇我不隨齊婦隲

從無乞食到墦間

題王孟巖齋壁

斗從熱海入清涼
花繞階檐樹繞牆
三尺冰簾半間榻
午窗和夢度瀟湘

小坐商量消夏詩
松枝細啜苦吟遲
竹深荷淨天如水
想煞佳人雪藕絲

答芝畎

銀漢紅牆倚醉看
十年前事耐悲歡
無端秋夕瓊卮酒

化作桃花一味酸

瑣窗夢雨卷蕉心
枉種情根爾許深
燕語鶯啼不知處
伴人清悄有蟲吟

海角天涯此月光
念奴新曲按宮商
蘭閨賸有相思妬
多事香奩誤阿郎

芝畹秋夜聞笛得四絕句索和

蘭缸無焰漏聲稀
時見空庭蝙蝠飛
却抱秋心佇明月
不知涼露溼人衣

記曲生憐蕊殿孤肯翻新調譜笙竽十年不傍宮牆立
猶被梨園喚李暮

悔拈尺八締聞根羅袖香銷搵淚痕纖玉未寒春夢醒
禁他倩女已離魂

清歌折柳不勝寒永夜西風落葉彈我忍無情君有恨
一般扶醉凭闌干

柳枝詞和孟巖

柳葉盈盈湘水深柳枝詞唱不勝春爲誰化作相思種

才解迎春便送人

如許纖腰學舞遲
春愁生怕曉鶯知
可憐綰得東風住
只有千絲與萬絲

未經離別已銷魂
燕子桃花何處門
小雨如烟夢如雨
翠樓親與拭啼痕

酒帘低颺碧毵毵
盼到梢頭月半銜
一樣關心折楊柳
瓜州城角茜紅衫

嘉魚聽雨贈左青士

水驛殘更喚醉醒十年踪跡尙飄萍
小風吹碎篷窗雨
又續嘉魚一夜聽

連牀小住洞庭橈欹枕敲詩破寂寥
別後相思忘不得

秋聲扶夢到花橋

青土寓湘鄉之花橋

彤關阻風

半江烏榜落篷低楊柳陰陰水拍隄
一片麓雲呼欲語
長沙只在夕陽西

回首湘流卅六灣曲終猶唱念家山
嫦娥似恐羞郎面

不照扁舟一夜還

黃葆儀女士茶香閣遺稿題詞

蕙心純質總輕塵繡佛當年證淨因
早識瞿曇無住相一龕水月悟前身

又隨香雪點春波斷墨零星冷翠螺
便到蛾眉天亦妬文人何苦說才多

病劇猶聞讀父書湘灣卅六恨何如
夜臺忍聽牽衣語小妹伶仃識字初

洞陽山色助淒涼黯黯妝樓奉倩傷
一自冰絃和玉葬
篆煙如夢裊琴牀

簪花人亦解賡酬但願清吟到白頭
却對遺編共愁絕
此生福慧要雙修

題黃秋士廣文詩集

玉笛梅花一曲殘岳陽樓上幾凭闌
洞庭春漲八百里
迸入詩懷幾許寬

勞勞蹤跡十年間其指峩眉踏雪還
今夜長沙半窓雨

不堪剪燭話巴山

別笙榆

小屋新題寫韻樓
春明風月數賡酬
天涯依舊浮雲塔
又賦皇華入益州

重踏鴻泥亦夙因
歸期預約早梅春
雪窗並照團圓影
持贈峨眉月一輪

好舫祠

故山南望白雲遲
小住京華有別離
今夕好舫祠畔月

照人三地寄相思

乙未六月十四日作

三年初度渾閒事京國偕來願不違
正好荷花邀薄醉
香風吹送使臣衣

郭林宗祠
祠在介休縣北

多謝青山識故人古槐猶抱漢時春
我來待訪同舟侶
無復當年墊角巾

洪洞見荷花

萍香澗淺碧參差風景依稀有所思
何葉遮頭花在手
小烏門外雨絲絲

一唱憐儂一解顰惺忪殘夢馬頭塵
曉風十里橫塘路
只見蓮花不見人

遇風雨不得宿戲東筓愉

千丁泥塗問宿難匆匆野店解征鞍
使臣空有青綾被
獨坐秋燈忍夜寒

雨泊風飄此一涯便從天上問京華
閨中不識行程苦

猶道郎乘八月槎

桃花溪懷李義山

首山何處詩人宅
流水桃花無限情
記得吟壇初學語
瓣香先奉玉溪生

蠟淚蠶絲祇自憐
爲誰憔悴爲誰妍
更無青鳥傳消息
錦瑟華年一惘然

羅敷谷

谷口灤河水一方
藕絲情短柳絲長
也知不是邯鄲道

怕聽新歌陌上桑

聞道羅敷自有夫
暗拋雙淚溼明珠
明珠若解纏綿意
請化紅絲繫繡襦

馬嵬驛弔楊妃墓

翠華傳幸劍關西
棄置蛾眉信馬蹄
一樹棠梨春不管
斷雲夕照杜鵑啼

一坏無分葬驪山
小別華清便不還
莫化香泥流粉豔
千秋薄命是紅顏

南內徵歌數舊歡
廣寒宮殿月團圓
霓裳舞罷梨園散
羅襪淒涼不忍看

觸撥閒情忽黯然
孤墳一例卧秋烟
碧湘門外花如雨
不到城南十五年

七夕寄笙愉

數聲羌管送征驂
獨對秋宵憶繡幃
應爲西行嗔織女
當年多事贈支機

雙星宛轉白年盟
天上人間其此情
一笑玉環太癡絕

只憑私語祝他生

曉過灞橋

戍鼓郵燈破寂寥縱無風雨亦魂銷蜀山蜀水三千里
殘月催人過灞橋

別離終古不勝情匹馬重關問驛程驀地鄉心拋未得
綠楊昨夜送秋聲

東賀虎師沔縣

褒斜路繞萬峯堆沔水能令懷抱開知有鑑湖新釀酒

殷勤爲訪四明來

舊游連袂下吳閭
臘尾釘盤棗栗香
可憶蒲龔頭上坐
一篷風雪話家鄉

薄宦同乘泛海槎
燕秦搔首各天涯
故人七載一相見
莫放黃紬被裏衙

君家伯仲我兄弟
好與清談惜夜分
曙鼓催人留不得
離情分付漢關雲

畫眉翬

石溝流水送潺潺曉色隨人又入山
奇句不來殘夢覺
秋心只在畫眉關

上亭驛遇雨

欹枕敲詩夢又醒
小窗燈火碧熒熒
上亭驛畔淋鈴雨
不是愁人不解聽

梓潼道中見刈稻者感賦卽寄兩弟

耒耜聲中落照涼
天然圖畫在村莊
城南老屋遲還我
閒煞秋風秣稻香

荷葉當門柳繫船弟兄同住廿年前
思歸不負青山約
早辦犁鋤學種田

夜渡縣水

蒼茫暮色隱江流
四面蘆花一葉舟
不見仙人橋上月
芙蓉閒過野塘秋